
ҚОРАҚАЛПОҒИСТОНЛИК БОЛАЖОНЛАР ЁЗГИ ТАЪТИЛ УЧУН ФАРҒОНА ВИЛОЯТИГА КЕЛДИЛАР

Ёзги таътил учун Қорақалпоғистон Республикасининг Элликқалъа, Бўзатов туманлари ҳамда Нукус шаҳридан Фарғона вилоятига келган 302 нафар ўғил-қизлар бугун Қўқон темир йўл вокзалида тантанали кутиб олинди. Кутиб олиш жараёнида вилоят ҳокимининг ўринбосари Файзулло Қосимов иштирок этди.

Оролбўйдан келган болажонлар ёз мавсумини мароқли ўтказишлари учун сўлим ва баҳаво гўшада жойлашган “Коинот” оромгоҳига олиб келинди. Бу ерда Ўзбекистон қасаба уюшмалари Федерацияси ташаббуси билан ёшлар вақтларини мазмунли ўтказишлари, дам олишлари ва соғломлаштирилиши учун барча шарт-шароитлар яратилганлиги таъкидланди.

Хусусан, оромгоҳда болаларнинг билим ва маҳоратларини ошириш учун футбол, шахмат, шашка, стол тенниси, волейбол, расм, рақс, адабиётшунослар, рус ва инглиз тили каби тўғараклар ташкил этилган. Ёшлар ўзларини қизиқтирган тўғаракларга қатнашиб, иқтидор ва қобилиятларини ривожлантирадилар. Бундан ташқари, таниқли ижодкорлар билан учрашувлар, турли танловлар ва диққатга сазовор жойларга саёҳатлар ҳам ўғил-қизларнинг мароқли дам олишларига хизмат қилади. Ошхона ва ётоқхоналарда барча қулайликлар мавжуд.

Бизни ижтимоий тармоқларда кузатинг [Facebook](#), [Telegram](#), [Facebook](#), [YouTube](#), [Instagram](#)

2022-07-20 21:23:45